



i se aso laofie

(o se ata o le Tamā i lou tua'ā ma lo'u tamā)

Levi Tavita

I se aso laofie e te iloa atu ai ia o tauasa
ane i le aloalo tuufua;
le laina e apitā ai galu i lona sulugatiti, ma se
upega fagota e tautau ifo i lona fuātaua.

I se po maninoa e te iloa atu ai ia o lolō
lana pa i le tuloto, le masina mamalu ifo
faapei se ie silika i luga o le fogāvai;

E te toe ala a'e i le taeao o la foi e tuu mai
i le aloalo,
i se foli e atoatoa pe ā; faasifo lemu ma
fuafua sana e fai
pe tu faamataga e mata'i le si'ulagi vavau o
augatausaga le māmoe; Le mano
maumau; Le mau—i le faitau miliona nisi fetu
ua ta'ape atu
e ala i le lafoga fai fai pea o lana upega.

Ua amata ona e sa'afi i lona onosa'i,
vī'ia lona tiga i nei tausaga e tele, talu
ona avea oe ma tama valevale,
e matau filemu lona fana'e ma liu faatasi
ma le tai.

E faatagata e i'a le foafoaga.